

西浙泉厓邵先生詩集

有明泉厓邵先生詩集卷之七

西蜀門人平川劉應箕梓

西蜀門人桂岩張士鼎校

瀛洲小景爲楊二字

又題

蓬壺天外境少府坐閒留何處繁華草因君駕玉虬綵
雲王子遂丹竈葛仙丘咫尺三山下相携汗漫遊

松泉園亭題壁

兩閣溪亭晚風喧草樹秋粉香流漢署芳響襟梁州不
去須甘澤同來記勝遊墨花滿空壁夕讌且遲留

同蔣南冷段石菴白洛原遊惠山晚過馮園分韻

初月散人影長風吹竹林
葛巾敬晚席蘭醕接春襟
磬發泉逾響花迷谷更深
相携共幽賞隨意足高吟

飲別段石菴舟中爲題廬山圖和來韻二首

石菴石菴南東

煙花三月曉一櫂水雲間
好鳥悅新語春風展舊顏
躊躇

踏南浦路長望北宸班

聖代收才子知君傍日還

鄉國雲千里廬山天宇間
圖開深涕淚華落淨心顏
古木蒼蒼見桃花點點斑
王孫芳草意幾向夢中還

秋溪

溪上春光好秋容更可嘉
短蒲依淺渚高樹着寒花
坐月風生袂撩雲斗泛槎
琴瑟隨去住天路未應賒

即路

即路覺神爽長風鳴珮環好鳥去不返野花開更開日
薰蕙草嶺雲度錦溪灣未盡登山興黃昏叩石關

雙清亭

崖下孤亭出雙清舊有名梅花還自照菊萼太含情溪
白寒潭落天空秋水明相携駕玄鶴笑笛過蓬瀛

風葉

策策戰風葉霏霏夢未安入山煙雨驟折峽劍鋒寒天
地此閒氣峰巒真大觀明朝溪澗下荒草路漫漫

月色

月色盍如洗山深更可嘉
氷盤初犯斗寶鏡欲流霞
身世本無際乾坤那有涯
興來轉披豁忽爾問仙槎

夢醒

巖棲轉幽寂塵夢不能牽
葉落鳥聲碎天高月影圓
覺來風骨異定裡道心堅
得句遺真偈挑燈向佛前

夜歸道中

雲淨月常滿山深鶴未歸
百年此棲托今日任翻飛
夜氣入林薄朝光切太微
不因出城郭曾得露沾衣

飲錦南庄簡盛落東親丈二首

爲愛南庄淨亭虛結翠
繁寒花時問竹老鶴日窺園
趣

原缺

金山小泊有感

醉憶金鰲出驚看黃鵠飛
帆聲千陣落雲影萬山微
燕雀橫無賴波濤去不歸
未須忙指點有客下前磯

秋夜偕少山王倉部放舟三首

甃啓修公候同來泛使槎
月明依水國風急墮城笳
萬里煙波舄三江客路賒
夜深發孤嘯剗爾動龍蛇
小泊悲清夜長歌喜遠秋
天空霞泛彩波動月沉鈎
過鴈聲同遠寒蛩語未休
何須頻問訊只尺到江洲
淮海今無賴波濤真可憐
寒雲初閣雨野水欲浮天
對此嗟啼鳥因之想大田
賞心忽不愜把酒一潸然

獨樹

漫出湖陂路遙憐淮海圖長蘆秋水闊短棹夕陽孤計
拙身誰賴愁多病未蘇艱難惟獨樹躑躅骨飢鳥

雙壽圖

安期恥何所玄圃只人間鶴馭搏松蓋雲車擁日環三
千花有實九萬海無關珍重南華老西池坐酒還

新春履慶瞻企庭幃拜首于迎暉館中稱觴遙祝且
憶母于泉堂望兄于濟上南北千里無任感懷爰
賦三詩以識之庚寅元旦識

煖吹迴江館朝光燭水亭瞻心依鳥度望眼入雲青柏

葉春先蕤梅花雪後馨新芳啓良候對此祝千齡
遐想通冥漠芳神入夢思鳥啼憐舊夜花發怨新枝
眷心何極浪浪玄欲盡條風扇春管空復動慈幃
羈懷仍歲晏抗節豈窮愁迢近新豐酒躊躇太白樓
春從花信發鴈度塞聲留何日追歡讌相將賦遠遊

雙洲

青郊盤古甸野渚夾高洲問字臨流細看雲傍竹幽
瑤琴石上月醪酒露先秋只尺徵書下閑心謝白鷗

初夏平河橋野望限韻

停橈依淺渚霏雨濕芳叢野濶千村斷谿回一水通
鳥

啼憐昔恨花落認前紅不盡尋春眼看雲但遠空

酹漂母墓

高塚晴江麗荒臺夕照廻千金何以報滴酒已成哀漢
業俱塵土王孫亦草萊乾坤推老嫗今古識雄材

登韓信壇

城荒依野水壇古抱秋陰可惜英雄恨都隨衰草深三
齊九死地百戰一生心高鳥今何在悲風空樹林

過春山李太叅環竹亭二首

地僻開亭榭簷虛鎖竹陰看雲如有約把酒不成吟芳
杜初堪紉流嚶復滿林幽懷兼勝賞欲意難禁

竹亭含雨氣蘿幃帶秋陰苞鳳忽新翥籙龍時一吟雲
霞牽野興泉石抱疎林吾欲從君醉頽然半不禁

送白江周子坦南歸

黃雲迷遠道赤日下荒洲春去野花落客來山鳥愁
心仍越調別淚上吳鉤相對不成飲霞光急欲流

觀魚

草堂春雨足越柳晚風斜竹石通漁罟干旌集使車驚
鱗紛作隊激水亦成花那復盤絲膾由來翫物華

題贈沈青門二首

慙予署淮海之子覓天遊藻發池亭勝棲眺水竹幽孤

雲巢野鶴淺渚狎沙鷗去住任依托飄飄安所求
坐對青門客超然稱大家才高繁露藻筆落散天葩漂
泊萍蓬外風流煙水涯休文真不忝贏得布襦斜

辛卯元日喜雪

青陽時肇正玄雪始盈疇十日留殘臘千村卜早秋平
臺歌玉樹溪漢接璫樓黃竹歌初歇淮南賦已疇

春朝招元派張子飲不至

旭日開仙署晴雲動水居清尊紛獻酢客子自蓬廬夏
屋渠難及春盤細不如蕪葭無限思采筆寄踟蹰
雨後水亭與金茂之話晚用韻

載筆凌華署盤雲下碧空昏鍾自亭館暮雨近簾櫳藻
思風煙合閑情尊酒同夜珠隨意得何必問冥濛

新月和水亭原韻二首

清光淨炎宇初魄流素空蛾眉隔曉粧寶鑑含珠櫳此
夕與君共千里相思同還看桂花發揺落紛濛濛
冰潭既泠泠玉露何溥溥飛弦駛游雲倒影凌廻湍瞻
攬不可及繡綽有餘歡含毫且留詠後夜光闌干

駐鶴亭

孤鶴遊太清翛然下林巒芝田振瑤羽藥塢修玄丹九
臯一揚音萬里終飛翰俛仰不可及虞機空自歎

瘦石亭

瘦石閒亭外癯然不可群
未須中砥柱亦足動風雲
士驚回首將軍舊勒勛
開尊坐芳席蔓草自紛紛

雨後過寄寄亭與茶丘陳倉部論詩二首

高霞迷遠樹斜日到芳塘
病骨琴尊懶閒門蔓草長多
君三折簡爲我一傳觴
翻憶吳歌好徘徊子夜涼
雨過水潭淨林開華月高
累便夜集醪醕趁風騷
斷句多理草彈繁失寶刀
行行重延佇螢火上仙袍

誕辰席上和茶丘倉部韻

七夕當我生庭陳薦華堂
署茲淮海頭慙紆水曹郎
聞

無長轍音室有明璣光夜看斗牛分劃爾橫干將

郊行八詠詠雪也歲辛卯臘日巳丑曉過冠山夏地
卿得郊行韻冠山乃與縣繼登城時復賡倡錯縱
前押予得八首而題云郊行者隸首倡也

壬午初雪

彤陰結玄池朔氣凜且賒頃刻構雲合千里因風斜靡
漫忽盈尺裴徊空復花馳驅郊外發疑動海神槎

甲申再雪

淮潰歲屢饑無雪田不花保釐仗真宰吹噓發枯槎于
今白渠深喜歌黃竹斜九農忽有生萬井甿恩賒

丁亥三雪

枝寒鳥羽短雪集聲楂楂三白表歲徵萬晦熙春花民
食且豐隆爾糧應餘餘戒言勿復鳴牢落高雲斜

巳丑郊行

雪霽寒猶重郊行路轉賒銀河平渡濶王樹遠山斜地
折摧長骨鬚堅綴小花乾坤過水部萬里一浮槎

雪夜叩關

高閣寒煙碧小窓初日斜梅魂先曉發鶴夢尚雲賒路
憶壩陵道津疑星斗槎關頭試風色筆落生玄花

庚寅又雪

乳筍懸寒玉。璫梅散曉花。風霜餘短鬢。天地一浮槎。白
戰。渾無賴。清歌意自賒。瞻言滕六子。整處復橫斜。

城樓睡眼

出郭寒威重。登樓望眼賒。瑶天同潏潏。玄壑半回斜。思
遠催羌笛。腔沉斷落花。長河雲外是。即爾問仙槎。

夜歸阻行

雜沓羅丹散。空濛漫斗槎。如何凌灝氣。別自有仙花。漠
漠龍沙合。荒荒鶴逕斜。詩成寒徹骨。不惜道途賒。

迎春日冠山過訪限韻四首

臘去紆殘雪。春先探遠梅。河橋初試馬。江閣一登臺。妙

舞紫仙曲狂歌散酒杯韶華不可竟臨眺且裴回
瑤河洄錦水玉樹落寒梅淑氣開青府春星動紫臺漫
紆天外句笑引月中杯子夜歡無禁亭臯鶴夢回
鼓角搖星炬輪蹄亂野梅不愁風入夜自有月登臺絕
壑清詩骨長河濺酒杯歸來不禁思搔首一徘徊

江南春信早江北未逢梅見月心千里懷人雪滿臺竹
光搏綺席劍氣上寒杯得子真堪共清歌盡可回

雨夜毅菴冠山二民部讌集限韻

仙館台辰動神臯漏景微博爐分夜篆小雨抱春圍不
飲聽燈落巡梅覺雪肥雲華紛入饌忽爾見璚璣

壬辰元夕

淮海逢元夕華燈卜上豐
銅龍弛曉箭寶馬耀晴虹
碧落花初綴銀河月滿空
酣遊到蓬閣咫尺五雲中

夕返江浦得句

漁火仍春岸仙帆復楚城
未昏江月白入夜海潮鳴
路轉樓船穩風迴沙渚平
醉歸剛獨坐得句有餘情

舟中續東匯兄平湖涼月之句用雪行韻

津樹和煙合春鷗拍岸斜
平湖原不浪涼月信浮槎
把酒尋詩句懷人見墨華
百年有今夕高詠逼雲賒

入淮讌古心亭二首

野水春亭落蒼煙夕照多羽觴傳上客珠箔發清歌好
鳥惟高樹游魚尚碧波裴徊月華采不問夜如何
昔看平漲遠今惜斷痕多芳草仍春甸東風自楚歌山
人初薦藻江月忽依波對酒君相問高懷復幾何

夜吟

坐穩成春懶心閒入夢多十年苦塵役是處結雲窩月
色依重砌晨光生遠波相看渾自醉撫掌一高歌

壽毅菴劉倉部

百年君且半萬里路方長江館遲芳杜天池待鳳凰白
頭吟未就青眼意難忘爲問蟠桃實春風幾度香

古心亭得接湯右卿翰學問訊所翁二首

南國懷道老西郊
揖上賢鳳毛人共瑞
鶴步夢應仙季札
堪將命終軍不記年
此行好春色花泛曲
江前野浦春帆集
江亭好客來萬山
迥王樹孤月抱瑤
臺清夜看雲合
高懷向酒開相逢
不盡思長望一徘徊
格少白鄭監司不至

滇南紆萬里淮北隔層雲
舊雨客中見新悅天外分驛
騶元並轡鷹隼不離群
祇事過征旆盤飧媿野芹

借北山聞聖謨橫洲陳中節
登紫微山和章孝標韻
野水度丹磬寒雲流紫微
塔龍濯海出梵鳥凌風飛對

此見真境相逢多故衣徘徊不忍去日暮空山歸

飲初臬吳春元書舍疊韻

夜來燭光短冬暄風力微清尊花外發綠矢座前飛壯志蒼龍劍長歌金縷衣百年定知己換手可忘歸

草池余地卿陸田周侍御留醽水釐堂折梅限韻仁千里江南客揚州見早梅清香凝雪重蠟魄抱春來丹鶴初延佇玄風自品裁如何何水部東閣亦登臺

策馬臨江館長歌折野梅不辭先曉發故逐上春來寶劍看龍合明珠入夜裁相携足幽賞眺聽出瑤臺

壬辰除夜寶應湖分歲用韻

容禔除無滯天涯鬢有華樓船經歲晏湖水入雲賒望
國雙龍闕恩親千里家團圓聊慰爾柏葉試蘭芽

過五槐堂燕叙

十日忽千里淮濱亦故鄉堂虛巢雀巢燕花煖發新香天
地此萍梗蜉蝣空羽翼春風且歡笑纖月到壺觴

詣崇景堂謁拜先師夫子

釋子隨緣結斯文到處尊溪毛占教思堂攝儼橋門三
載飯依切千年道義存再來發鐘鼓香火散春溫

題健菴方侍御草心卷因思母氏二首

春草扶階綠春心盡日長冰霜不改色雨露自生香翠

帶分書幌青袍引諫囊百年同報稱千里佩離忘
野花樹堂上蕙草依階墀綱焉日歲心感此三春詞東
野豈無意北山良可悲徘徊風露清悵望高天涯

初夏郊行二首

雨過風塵歇春歸卉木繁郊行渾漫興意到忽忘言
酒櫻珠落看雲鶴羽翻百年隨去住底事逐征軒
皇蓋經過遠登舟日已昏風華餘短櫂夜泛足清尊
拍依花影消消淨水痕閒情不成寐明月滿江村

吾山裴憲使鑒對酒遣懷二首前韻

璫林山杏落珠樹石榴繁碩果人同賞幽棲鶴自言芳

春花事開苦海浪濤翻暫憇風塵翼來參水月軒
圍棋憐白日把袂怯黃昏身外紅塵夢談邊綠酒尊
鳥喧花共語杯引月同痕慷慨與君別相逢何處村

題伯墳卷次高瓦屋韻因簡兄一泉

雨分沙徑淺風度竹泉涼高駕紆仙旆閒情漫客鄉
蒼憐池草發我醉墨花香不斷思兄淚空同萬里長

登啓秀樓

危攀臨曲礪窮覽出重臺齊魯青山小燕秦紫殿開
浮埃飛不到上客坐應迴樹色蟬聲晚閒情落酒杯

過程春元軌宅第遇雨

白雨圍泉澗紅雲掣里居奔騰看不定變幻未全虛光
動神龍窟機先使者車桃花春滾滾之子意何如

河鼓篇

涼月下瑤堦繁星隱露臺佳期憐七夕良晤動雙眸
駕河陰歇蘭膏漢曲迴易辭先曉淚難貯隔年杯

秋夜放舟候雪臺劉司寇不至

落日開新霽輕風生嫩涼舟航頻問訊燈火下江鄉鴈
陣秋先度梅花春早香感恩思愁入夜坐見月蒼茫

題北村路憲使魚鱗二圖

春雨集林塘遊魚唼荇長珠光明水佩劍影折風裳莊

子濠梁上任公東海旁坐來看不盡花煖石雲香
潮枯江岸濶露冷稻花黃郭索秋無賴爬沙夜有光
雙劍戟甲老幾風霜直北茲多事橫行爾四方
古厓揚子尹貴溪席上題扇

草樹春藏寺山泉夜到門孤帆低日角短棹亂雲根
北國紅塵夢西江綠水痕百年之子意尊酒湯評論
蘊真亭夜話簡王伯行道長

院靜風來細簷危月到遲春心動高柳爽氣入深
阨天上麒麟出磯頭鷗鳥疑蒼生安石意幾度繫長思

別劉雙泉地曹

弭節清泉道分杯衛水涯晴雲動高蓋落日綵浮槎藻
思瞻還切萍踪路轉賒燕山何日到迢遞問歸鴉

別郊梅巖工部

花時苦延佇夏日得交承一見決知己同心藉友情
牽風岸柳夢別雨湖燈明發河梁上長颿迅可乘

易諸生北試餞之東郊

送子長安道驅車上谷門秋高搏羽翰春暖蟄鯨鯢萬
里扶搖上三江天地昏騫騰看不定霹靂過山村

孫氏園亭見蘭竹二首

佳人洵幽獨谷口見秋芳露浥青衫重風迴紫簾涼無

言環珮軟有約夢魂香爲憶靈均子空憐湘水長
上谷苦無竹名園今見君亭心低度日石角巧生雲野
鳥隔林亂閒花近水分何時移對酒瀟灑漫紛紛

燕昭王墓

仄阪雲環結崇陵日輦開玉龍蟠九土鐵馬殷重臺七
國英雄恨都隨蔓草衰昭王名不沒馬首出雄才

賦雛鶴簡白石長郎俗用駐鶴亭韻

雛鶴良不群飛飛來山巒長風激高吭華月留玄丹換
彼冰雪姿遙此雲霄翰天池翼鳳凰百鳥空卑嘆

西山寶峰寺坐晚

策馬叅蘭若尋僧卧白雲夜堂龍出鉢禪榻虎論文寶
劍驚長躍明珠暗未分毘盧張慧眼昏黑動氤氲

望湖亭和崑崙山人韻二首

亭虛鳥自語臺迥月同登物外無拘束風前見杜陵湖
光野水亂山色高雲蒸桂樹何年發先叅最上乘
冲懷恣竒探折坂下崇嶺叅禪透玄機耽梵見真影坐
看山谷摧一任冰雪冷其如達士心吾道常耿耿

呂公洞

漂泊純陽子當年跨鶴來巖前雙玉筵洞裏幾霞杯湖
水煙花老衡陽江鴈回乾坤名不死千古只荒苔

七真靈光洞

乾坤通大竅山水亦相三
生舊洹沙萬劫深雲
陵石燕出風掣玉龍吟
坐久靈光見七真何處尋

高束鹿王華夜飲白石山房和韻二首

露下台辰動秋分夜宇清
故人飛玉舄落日度山城
把酒衣裳濕裁詩風雨驚
高才恒見忌飄泊恨難平
王華高太史野鶴唳雲清
彭澤柳初暗河陽花滿城
明珠秋自拭神劍夜還驚
何日龍門上相看滄海平

出郭

向晚出西郭煙籠萬里沙
風號摧落木天遠着明霞
彈

劍燕歌起張燈楚望縣論心坐白石滯酒漫停車

演武用楊子才從軍行韻因簡沙洲兵憲

朔騎欵紳京燕關控北平玉符分重地寶劍藉長城陳
習風雲勢兵閑刀斗聲四方無死戰意氣自橫生

封誥下頒拜命有感

燕山秋動色漢署曉分香臣職嗟何及君恩不可量龍
蟠五色誥花發大夫章千里瞻親舍湖南亦寵光

臘日白石館中賞菊和韻

白菊秋可嘉傍雪開更奇瑤華點石葉玄圃明瓊肌素
心喜同仇寒香知有時元貞不改色相對醉深卮

至後違諸君忽忽十日再承詩教簡謝

入至停杯少經旬會面稀瑤函傳臘近彩筆傍雲揮
極頌花初放春盤菜欲肥東風回几席萬里共翻飛

冬仲廿三日白石沙洲過松軒夜叙

仙朋聯羽蓋風日下山堂野興經過遠寒宵笑語長
尊開金酒出品薦海鮮嘗底事催更箭簷虛動曉光

凝翠軒食芹

山泉開石竇水部抱松陰碧喜芹堪食青知雪不侵江
湖黎獻意今古歲寒心飭下燕雙語詩成龍一吟

聯句餞潘溪舊水部入覲

騎馬出東臯園林春色驕山梅含凍蕊隄柳曳風條
水征衫舊紅雲望眼饒夔龍應自許注漢有漁樵

新春書懷賦燕山篇二首

臘去紆殘歲春先報早除梅花索共笑柏葉爲誰書
谷口雲常白湖南草不如親闈千里外瞻拜意躊躇
去國二百里瞻心尺五天負暄知獻煖得氣喜逢年
御柳歸新眼仙桃醉上筵春風供奉近應記燕山篇
人日凝翠軒書懷

年朝剛甲子人日喜逢辰綵燕輕粘雪金花巧勝春
天開新歲月松老舊精神谷口東風轉吹噓萬里津

元宵聯句因簡沙洲

春來多燕集勝入上元時火樹晴相照金尊晚並移
蛇流碧落霹靂迸天池笑口惟今夕懷人忽爾思

登臺

背郭春臺麗携遊覺汝賢院深淹翠箔日煖散花鈿
醉倚芙蓉水閒閒鸞鳳箋相看春入畫眉黛遠山連

送別沙洲

旭日開林薄征旗動野橋行春鶯語滑傍險馬蹄遙
爲寄遼雲鶴誰憐羸女簫交情千里共宦況此中消

畫屏聯句

霞石綠雲潔風江款月妍桃花千漲合松葉片山連
角歌方淺尋真路未便翻然從漢使直欲見堯年

送連子洛歸娶

燕市來龍種天池識鳳毛芝田憐白玉江草動青袍
花燭乘春近靈霄入夢勞棄襦應自許萬里重飛毫

社後十日園亭探杏花

杏樹先春發茅堂向暝開日蒸紅見蕊雨過綠侵苔
自托東風主誰憐雲路裁雙飛遲社燕撲酒莫深猜

曉行爲紫荊開遊時有 國哀故云

客久饒春思山深怯曉寒香羅虛疊雪羽蓋實飛翰
急

恐鶯聲老生憎花事殘黃雲應極目紫翠正迴看

古邨坐俟白石連倉部

仙幢遲閣道火砲急城隈候獵黃塵驚入喧彩仗迴露
花垂不落山鳥語相猜爲說尋春者偏登塞上臺

龍華道中

重開巖虎衛伏道款龍華乳水洞常雨金坡石有花酒
帘青見市芳草碧于沙聖世無春戰防秋但暮茄

盤道

策馬盤山道驟風撼石門萬峯低日角百折斷雲根款
塞妖狐淨懸關鉄虎屯未須臨絕險壯志已平吞

王山爲少華詹都諫賦

十載梧埤客百年烏鳥私溪雲看不盡羅月坐同嗤上
國儀刑在明昔鸞鳳期當庭堪竹實蒲酒勸高枝

飲保王山堂感事用韻簡陸尹晉川明

山堂秋夜靜小集道風長新月揀雲緒明河灑斗芒感
詩民有隱報主國無良酒盡衣裳濕捲馬燈燭光

阪陂道中和韻簡右溪謝新喻廷藩

及阪飛泉細崇陂滯雨殘古郵秋自黍野篠畫生寒百
里郎官重三辰列宿看君才真玉樹早晚向臺端

萍鄉署和東滙呂選部韻

妙墨何年發
苔侵薜荔塢
感君多道氣
老我走遐荒
萬里穿巴峽
三秋吊楚湘
如何杜陵客
翻爲卜林塘

醴陵放舟

曉發醴陵灘
長歌行路難
息肩仗舟楫
傍險出波瀾
虎豹中流斷
蛟龍入夜寒
平明淥口渡
高柳信風翰

龍陽道中有懷

離鄉三十日
去國七千程
望蜀且天外
懷人空月明
寒雲薄征憶
急雨滯官程
安得縮地圖
無勞苦追迎

書孫黃驛

地僻雜禽語
途長存馬蹄
水窮雲不斷
天盡樹還迷
賴

性投巴蜀閑心亂鼓鼙軒車不禁思遯莫任東西

夜入公安

日暮公安縣新蟾雲半吞長安倦飛鳥落日泣寒猿
候吏喧燈火鳴驕啓市門陂隄十里外楊柳暗黃昏

西瀼草堂和犀浦張方伯韻

小築新堂靜高齋舊瀼存山空風抱樹水落石扃門
川峽雄文藻江湖愁酒尊杜陵千載思瞻望野雲昏

宿小江館

曉騎出雲陽昏鐘到小江攢屋迴閣道仄阪下旌旌
世路此真險羈懷那可降灘聲來別浦風雨夜淙淙

曉泛候王別駕即事

曉泛春江麗幽尋野望賒雲光搏竹樵潭影亂煙花條
客占飛鳥橫舟信淺沙鹽官閑自適隔浦報茶瓜

江津夜別

暝色薄平林煙光明遠岑天涯蓬鬢短露下酒杯深送
子三江雨思君千里心東行還北上珍重報南金
丁酉元日和春山江州韻

西蜀仍芳甸東皇又早春相將平日醉共計百年身相
葉分杯淺梅花着眼新關心民社計何必論風塵

二日偕諸僚步東郊疊前韻

歲閏虛全臘年朝已半春風鳶隨入漢天
鹿喜臨身草蔓莎根短花明豆眼新東郊
迎煖吹迢迢信香塵

三日偕魯谷春山二守出西臯即事

鹿府乘春候三陽啓泰初郊行青見柳野
泛綠平蕪摘角談殘局探玄理道書竹光
迴日影相對坐臺虛

閱武感上谷舊事有作二首

孟富諸公營次催花以箭擊鼓爲節後聯故云

燕塞舊觀兵三千屬大營天戈揮日轉沙
騎逐風生上將驕能馭妖氛爭不驚粧唐
雪漢耻誅賞亦分明

八陣重川西中丞新令齊火龍喧作隊花
柳爭分題群牧深杯竿將軍獨鼓鼙風寒
番翹膽沙草馬空嘶

水月樓小坐

佛閣控江水秋光明客心憑虛發幽抱悵遠動哀吟屏
障翠常合玻瓈青可尋相看成獨坐落日下山岑

中巖亭子對酒有懷方池余太史

赤蹬虛穿窅蒼巖斷入雲鳳簫淹上客鶴駛縈斜曛野
色春常貯泉聲夜獨聞無緣只幽賞尊酒自成醺

燕翠屏山書院飲洗心泉

競爽開蒼窅橫江列翠屏登臨廻日輦身世托雲蘿見
道詩堪紀洗心泉可亭酌泉亭上立塵土夢初醒

飲西坪安給舍水心亭蕪簡乃子春元

短棹夜不發，閒亭秋且扃。客來觴水曲，月到度風櫺。四壁千峰小，百年雙眼青。鳳毛池上出，天際見修翎。

冠山夏民部招飲北巖話舊用韻

虛懷延夜景，絕壑下秋陰。翠篠搏風出，蒼杉結暝深。北巖欣作伴，流水愧知音。把酒從君飲，因之見素心。

夜泊青石灘，灘去十二峰。里許晨起風，發舟行如飛。而目不得瞬，也賦以見意。

灘頭聲絕險，峽口景偏奇。灑瀨芙蓉水，陽臺雲雨朝。長帆孤鳥度，急湍萬峰移。神女今何在，巫山夢轉疑。

次當陽王泉寺和孟東野韻

當陽聞古寺祇樹迫修程香積齋堪供荆門道可行黃
金橫塔所蒼王漱泉聲指點粧樓地靈光徹曉清

次荆門簡楊州守

初冬當朔日午夜叩荆門列炬星河影征軺烟水村風
霜客子髮問訊故園竟舊雨三冷守相將開酒尊

喜聞方子元煥中東省八名

問訊荆門道賢書齊魯來函開古叔晦涼發見高魁天
馬元聲價風雷入口裁先馳慙我拙名次笑誰猜

王女洞

山坳張石屢空洞夜開明玉女仙何在金光草更生花

自石言集卷之六
三
闌春幾許枕閣夢難成十里雙蛾出
亦驚簫到處迎

過王厓余考功胤緒有感

楚水明于玉蒼厓塹入雲幽棲高節
繁灝氣淨塵氛形
鳳時堪出沙鷗不可群風前憐短羽
別去更思君

過東臺余道長孝感新居偶聞賢郎
科捷對酒志
感

曉日遙征旆東臺遲酒杯九嶷山色
好八桂捷音來鳳
鳥時高翥上林花早開故鄉新卜築
佳氣接三台

黃陂道中

家山雲水曲鎮日問行程赤壁磯應
近黃陂路轉平寒

依巴子國夜雨莫愁城去去天難盡須知白髮生

江上

陽邏江上路霏雨濕征衫嶂斷喧還渡烟迷晴轉黯微茫
看水艫上下各風帆擊楫思千古中原任馬銜

赤壁

壁立丹崖出蒼茫漢水頭江山千古勝風雨一天秋不
盡英雄恨多因詞賦留簫聲來別浦客夢下扁舟

立齋應黃州劉菊杞酒

赤壁見黃菊遙憐蘇長公寒香歇晚節瘦影下天風翰
院聲元重詞人興不同當歌論往昔笑傲酒杯空

次蘄水見刈有感

路目小村庄青茨覆粉墻千章楓樹合一道水泉香晚
秣登堪釀新秬刈可嘗明農亦云衆祇事路頭忙

次廣濟蘄守馬乾菴

弭節懷蘄守風塵滯楚陽九秋元共奮五馬近稱良艾
石砭吾拙龜蛇殿此方故人不可見矯首月蒼涼

夜度楓香驛

艱難憐月使迢遞犯星槎萬里客心遠三湘寢路賒
馳溪口驛棲老樹頭鴉暫止坐終夜楓香凝紫霞

槐花隴

路入槐花隴山長夜未分中天華月蒲礪道細泉聞五
馬開荒服三朝觀聖君龍光和湛露此日慰殷勤

曉發滁陽簡韓魯宗道長二首

涼月薄林臯清霜抹野蒿環滁山月小望眼客心勞宸
極趨行李交情藉宝刀夕醒猶未解分得醉翁高

瑯琊山色好隔浦觀山灵玉立仍冰雪天開此畫屏
南一以鎮江北總儀刑何日山亭下相看心轉醒

池河夜行有約西愚陳憲副

池河淹急景星火發征輶萬里滇南使雙旌天外招
鴈聲寒不斷月色澹相邀望望秦樓近時聞鷺鳳簫

濠梁懷覺齋劉鳳陽不至

爲憶淮南守當年淮水西樓船困冰雪尊酒慰羈棲上
苑花誰共濠梁路轉迷感恩剛獨坐悵望爲留題

發濠梁別周子性甫

曉日渡淮河羈懷驛路多萍蓬輕若寄歲月疾于梭波
蕩終難立風流更若何分攜話長抱萬里莫蹉跎

雪行

石山山上雪漂泊斷人行鳥道深無路狼戾危轉平寒
聲千陣落朔吹萬花迎何事遄旌旆懸心入大明

利國曉晴

更闌號文雪曉起溘層雲天地有恒度陰晴忽此分衝
寒迎短景何暖合餘曛曛背真堪美 明朝獻 聖君

臨城又雪

銀海望不極瑤天空復花黃昏寒更苦白戰陣全斜
馬僵欲死寒鴉飢轉嗟長安堪此瑞何事漫天涯

鄒嶧

孟氏不可作嶧山猶自奇雪封秦漢石壁立帝王師
嶧從吾道巖上邁等夷瞻承闕里在千古荷追隨

觀回道中見杏花對酒有感

晴稍圓絳雪露瓣逐香壓野水誰爲主東風也自春船

迎簫鼓問花亞酒杯巡十載曲江舊雙飛江燕新

邠陽躍馬

曠去經鄒魯春歸返旆旌
璽書新見草客路近聞鶯
听柳牽絲細林花刺眼明
湖南天只尺躍馬信風生

還石山遇南交高地曹灝對酒

雪憶石山夜花明上苑春
隔年分氣色兩度各風塵
不盡思親夢應憐報主身
長驅人共勗尊酒漫相巡

坐月

涼月夜如洗春明渾早秋
野亭深自語宵鼓亂添愁
北極天河外面湖江水頭
感思情轉處飛步覓仙輜

蓮塘懷人和壁間韻

逐山遲日暮長颺
發春寒對景聊吳樹
懷人空楚蘭
尊誰與共千里慰
應難徙倚蓮塘曲
憑誰爲整冠

喜雨

入夜月抱玊中宵
雷發聲九農占雨候
萬寶卜春耕
脈草新潤犁犁麥
向榮行看亦自喜
况復荷生成

松泉圖

明泉湧寒玉長松捲春濤
主人一延佇稚子紛刀騷
琴尊聊自隨去住誰云勞
如何脫塵鞅山林日周遭

題畫

夜雨過花堤春晴散馬蹄長松青入畫絕壁峭堪題話
闊行還顧尋真笑可攜珠泉千百丈噴瀑小橋西
野水趨丹壑輕橈下碧潭柳陰春不淺花氣晝常酣
笠三江穩風濤萬里諳何當一垂釣翻媿未投簪

簡兩峰黎平湖

欄入東湖水堂開北海尊如何煩綺席亦自醉黃昏
軒敞風千里燈懸月一痕相逢話長抱高誼細難論

簡謝脉泉李太府用來韻

湖山離思惡風雨客懷添太白名元重新詩韻轉嚴三
川遲露華六月動星幃回首瞻萊梓秋高月滿簾

崇邑阻淺夜簡喻尹九山

入夜渡長河炎焮吸淺波不慳三日雨曾苦萬夫訶錦
纜牽星遠牙檣滯水多何緣勤地主燈火漫相遇

飲慈山簡諸王鯉湖

風雨惡復歇星河懸且光尊罍雖作客傀儡笑登場野
雀疇能繫神龍迥自翔不才同馬首誰不藉鞭韁

宿山閣有懷

山閣羅珠斗玄壇淨寶薰酒闌歌未徹客去夜將分夢
攬巴山月情牽桐水雲行行天萬里誰復慰殷勤

冒雨登齊山

整屨步雲根。沾衣散雨痕。峽開蒼玉壑。亭展翠微尊。石
席終難狎。藤蛇謾可捫。生平僻幽勝。那復動征魂。

風雨驟至所默陸池州閣上對酒

天際玄雲結。尊前白雨來。千峰迷欲亂。萬馬驟應迴。波
掣神魚出。風號江燕哀。山僧渾自失。上客且銜杯。

午發懷寧別陳尹紹南

鼓吹發星槎。登途日已斜。雨綿溼露草。風徹散烟花。老
我苦牢落。懷君多感嗟。郊垌重回首。別緒漫天涯。

陳尹陟留都駕部因簡俞陳二子

白下多知己。君行好寄音。亭川湖海度。中谷廟堂心。雲

礫鍾山屐花明建業簪連宵話風雨萬里思難禁

三祖寺訪中溪李侍御問訊山谷讀書臺

繡斧殿雲堂青霞隱上方尋詩秋共遠杖策晚生涼地
倚人烟少花深泉水香因之話堅老臺迥石苔長

江上見月

病眼復經秋驚看新月鉤天涯堪勝賞江上迥添愁掛
雨虛生理藁雲寔下韜好當三五夜萬里鏡光浮

白兔亭有感

聖代多嘉寶登豐不記年璫龍山可窺華月夜生妍白
兔殊恩寵仁賢只簡編明珠滄海外曾得羽毛傳

夜發

初月上梁山，牽雲夜度關。平隄三十里，絕險幾千灣。小隊喧燈火，寒蟬泣草菅。昏鐘林外出，嫋然老僧閑。

得雨

曉發南克道，烟雲暗石林。秋來剛此日，到處足甘霖。葉落雜聲響，草青迷淺深。不妨泥滓亂，長望歷山岑。

喜晴

官閣夜生涼，平明雨未央。車聲初出郭，雲彩儼分行。不惜扶乘遠，應憐蜀道長。東臯喧鳥雀，爭覩太陽光。

中秋射洪道中

客裏中秋夜冰盤切露臺清光依遠轡華蓋盪中台照
眼真成幻懷人只自猜此時歌吹發何處酒杯開

桃花寺餞三峰高司徒和韻

不見桃花樹翻經流水村驂駢延上客鼓吹咽空門把
酒雲沾濕長歌日未昏登途饒劍珮萬里壯征魂

豐村監察飲予接待院敘別

祇園棲法駕驛路道山房物外仍車馬尊前亦紀綱
吹噓揚子賦笑舞郭郎場萬里鄉心切依依江水長

信菴右次南村別駕飲餞田氏園亭

冬日燕園林葱蒼萬木森客來苔徑展雨過竹亭陰小

愁論長抱深杯寄遠心忽傳天外鳥特地換春音

夜發龍泉驛候豐村大巡決獄二首

把劍發龍泉風烟閣道懸霜華秋出匣星彩夜開驛軌
法從三尺安邦靖九邊四川天萬里生殺荷當權
刑辟邦之憲臺臣法不私市曹臨大路星火集諸司惡
草霜前死封孤磔下悲夜分苦征逐涼月度檐帷

入遂寧縣見玉堂山

翠篠刊晴吹丹楓觀曉霜衝寒人語短杖策馬蹄強入
里參文梓看山展王堂百年好風氣端合學才良

十一月望夜過南充見月

中秋華月好冬仲月還明更覓星河淺誰憐霜露清重
輝凝不散佳氣鬱難評此夕占天象 青宮兆可占

浣溪放舟飲舒南池大行

落日草堂上移舟棹晚風村醪破暝綠野燒出江紅笑
入花潭水瞻遠玄極宮夜滌饒野興去作仕西東

戊戌歲除奔喪出峽愴懷二首

除夕心千里天涯淚幾行江深維短楫夜靜響長榔坐
見星河轉愁拚毛髮替百年剛此日恨殺利名韁

東風起天末明日又新年小草還生意高堂只上仙自
雲春有恨赤甲夜無眠萬里登途客傷心誰爲憐

已亥元日泊萬縣感懷

蒼江更寶曆青旛揭華燄照我衣如雪逢人聲轉吞孤
愁仍作客旅夢問朝元未下巘頭雀先啼峽口猿

峽口風雪月山陳州倅過我爲山行計簡謝

香溪風轉急苦雪夜難禁不盡天涯淚應憐遊子心江
寒更衰颯山險得追尋明發趨行李憑誰寄遠音

宿蘇溪周坪庄兼謝儀衛之遺

野客不習險將軍翻好文臨江春酒共下榻夜厨分鼓
吹開荒道車徒度野雲蘇溪上上望愁聽鴈來群

山行四首陸古唐州幕翊予行茅坪候坡荒口

坪長峽九灣花橋白沙皆地名也

上上茅坪道輝輝雪正明山空垂乳竇風急亂雲英
捷坡難度鴉寒棲轉驚驅車下荒口愁絕夜行程

山坳寒自別峽口凍全深唾落珠璣綴聲吞烟靄沉
差開玉匣彷彿度瑶林匹馬周坪夜遲予雪滿簪

雪封長峽險雲鎖九灣奇萬里征車怯中宵立馬危
陸郎春共賞阮籍未應悲何處窮愁盡天涯此路岐

晴日度花橋春風上柳條林深鶯解語江漲雪全消
旅况回顏色天涯慰寂寥白沙亭子近孤月澹相邀

十四夜山館聞簫

來宵月待滿旅處雪增寒山館明光動雲林爽氣捲銀
難經蜀道燈火望長安忽聽簫聲發孤愁倍感嘆

十五夜枝江放舟

風長翔彩鷁露下泣銀蟾祇事孤愁發翻從元夕添
心詩句短撥悶酒杯拈此夜湖西路燒燈歲可占

十六夜流店觀燈

高江風浪惡古驛寄行旃客路燈偏好通宵月更圓
龍催曉急火砲卜春先樂歲從新候愁心逐舊年

十七夜荆南見花

郢月虛前夜荆花別有春紫姑篝火舊太乙篆香新

後燈依市朝來雨浥塵和風回海嶽幽恨獨難陳

發荊南聞羅溪王岳州公出及泊而羅溪至矣乃
承下慰叙欸竟日詩以謝之

野客泊平陵磯頭春水生極天雲夢渚遠道岳陽城歸
馬竒如搆哀猿斷復驚尊前謝知己客底見交情

次嘉魚風雷雨雪愴懷二首

春正北風號江洄新浪高驚雷先蟄起苦雪傍林搔萬
卉寒暄迸孤愁去住勞蓬牕理消息中夜任塵陶

江上風濤作天涯涕淚深魚山春未發龜渚晝常陰野
泊摘湘賦羈棲辨楚音自憐宦游者萬里費追尋

月夜江行

江月控水弦江光蠹綺箋孤舟輕若寄六合靜如年
鵲枝方穩魚龍夜不眠推蓬任漂泊轉燭且安禪

泊李陽河有感

衝風江上舸哨月驛邊樓萬里歸應近孤懷痛未瘳
當杯聊遣興得句轉添愁何事春將半煙花不斷頭